



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

LIII. Qualis origo fuerit religionum?

urn:nbn:de:hbz:466:1-11726

tiuo; sed iure gentium, quod partim est naturale, partim positium. Hinc mos omnium fuit gentium; Sacris deditos; & quæ ipsorum essent, pro exemptis haberi. Vt Leuitæ, *Exod. 20. Num. 1.* Sacerdotes, *Genes. 4. 7.* sub Pharaone: Et *1. Esdra 7.* sub Artaxerxe. 2. Vt Anima corpori præest, non subest: ita nec Clericia subesse debet Politicæ, in Sacris. Vide *Antichristum p. 2. q. 21.*

DICO AD I. Quos Concilium Nicænum prius damnarat Arianos; sententiam in eos est executus Imperator.

AD II. Rectè: At Ecclesiastica potestas est sublimior: ergo non subiecta inferiori sæculari in rebus aut sacris, aut ad sacra pertinentibus.

AD III. Christus soluit, quia voluit, non quia debuit. *Nam liberi sunt filii: Sed ut non scandalizemus eos, vade &c.*

VIII. DE MONACHIS.

QVÆSTIO LII.

Quàm durum in Monachos odium Luthero-caluinistarum?

LUTHERVS in obsecro suo Epithalamio ad *1. Cor. 7.* Omnes eos qui Cælibem vitam in monasteriis ducunt, idolo Moloch corpora sua cremare confirmat. *Ibidem*, Statum Religionis nil valere; ethnicum, terrenum, sæcularem; ac veluti lutum esse scribit. &c. Magdeburgenses Centuria *4. c. 10.* aiunt. *Quis non hæc hominum monstra execretur, ut inimicos humana societatis, & contra totam secundam Tabulam delinquentes? Melanchthon in Apologia articulo de votis: Vota & opera Monachorum appellat observationes fatuas, hypocriticas simulaciones, Traditiones pharisaicas, & Mahumeticas.*

CALVINVS *Inst. l. 4. c. 13.* ait, Monachos omnes esse Sophistas cucullatos, qui ab

Ecclesia discessionem fecerint, & se totos diabolo consecrarint: Monasteria esse lupanaria; Vota monastica, retia Satanæ.

Sic & hæresiarchæ in *Genealog. p. 2. q. 15.*

AUTOR. 1. Filii tenebrarum æquis oculis nequeunt lucem Religionis intueri; desertores militiæ oderunt castra Sanctorum. *Nam*, ait S. Antonius apud S. Athanasium, *omnis quidem Christianus Diabulus odit; sed probus Monachos, Christi, virgines tolerare nullo modo potest.*

2. Dissimillima de iis S. Patres, quorum pars magna & ipsi monasticen coluerunt: Quibus à Christo, *Matth. 19. Marc. 10. Luc. 18.* centuplum in hoc sæculo; sedes honoraria in iudicio; locus in cœlorum regno promittitur. Sed vniuersè hæc satis,

QVÆSTIO LIII.

Qualis Origo fuerit Religionum?

LUTHERANI. Vt Magdeburgenses *Cent. 4. c. 8.* *Cæpit hoc sæculo 400. primum monasticæ: scilicet ab Antono o Michano. &c.* Idque *Cent. 5. c. 6.* partim obsecratione doctrinæ de iustificatone, & veru cultibus Deip: ritum ex praua amulatione Essenorum; *Cent. 2. c. 6.* partem casu, ut fugerent persecutionem; ut de Paulo S. Hieronymus testatur.

CALVINVS *Inst. l. 4. c. 13. §. 10.* Melanchthon in *Apologia articulo 27.* aunt fuisse quidem quarto, & quinto sæculo Monachos aliquos; sed eos, qui nunc sunt, cum eis habere commune nihil: ideoque hodiernum monachatum rem esse nouam.

SVADENT istis. 1. Quia an liber de vita S. Antonii monachis ab Athanasio conscriptus, dubitant Magdeburgenses *Cent. 4. c. 10.* 2. Quia, Negant iidem *Cent. 1. l. 2. c. 10.* Erasmus, Lutherus, Calvinus, &c. librum de Ecclesiæ hierarchia esse Dionysii Areopagitæ. 3. Quia negant, *ibidem c. 3.* Philonem de Christianis, sed Estenis, scripsisse.

AUTOR. Tria asserimus: vnde & SVADENT

SVASIONVM vtrò liquebit solutio.

I. Religiosa vita diu ante quartum sæculum cœpit. 1. Teste S. Scriptura in meo *Antichristoparie* 2. q. 22. 2. S. Athanasius memorat S. Antonium, qui sæculo quarto claruit, petisse monasticen edoceri ab iene monacho. 3. S. Dionysius, teste *Damalo*, ex monacho ad Papatum est assumptus anno 266. 4. *Tertullianus* libro de *uelandis virginibus*, distinguit inter Virgines mundi, & Dei; quòd hæc solenni professione se consecrarent Deo. Sic & Cyprianus. 5. S. Dionysius Areopagita scripsit epistolam ad Demophilum Monachum: & *libr. de Ecclesia hierarchia*. c. 6. explicat monasticę professionis formam. 6. Philo Iudæus libro de *vita contemplatiua Suppli. um* describit mores ac vitam monachorum & monialium; quos instituit S. Marcus in Ægypto.

II. Origo Religionis professæ non fuit *Casus*, vel *Error*, aut *praua Imitatio*; sed perfectionis studium. Nam, etsi Paulus persecutionem fugiens Eremiticam colere cœptauit; Antonius tamen, alique ante eum Cœnobitæ, ac post eum Eremitæ solo perfectionis studio Monasticen obseruarunt. Paulus prior tempore; Antonius prior magisterio fuit; quòd hic discipulis habuit, iste nullum; secuti Basilius, Augustinus. &c.

III. Religiosi Ordines quoad essentiam, sunt iidem cum priscis; sc. quoad tria vota professæ; testibus S. Basilio & Augustino; quos Calvinus ac Melancthon agnoscunt pro antiquis Monachis. *Bellarmin. libr.*

2. de *Monach.*

cap. 5.

QVÆSTIO LIV.

An sint CONSILIA Evangelica; differantq. à Preceptis vs Vtilia?

LUTHERVS libro de *votis monasticis*, & in *Epithalamio*: Melancthon, Martyr, Brentius, CALVINVS *Instit.* 1. 4. c. 13. pernegant vllum esse Consilium Evangelicum. LUTHERVS in *assert. art.* 3. vnum esse virginittatis ait: At in *Epithalamio* reuocauit opinionem.

Distinctè tria dicunt. 1. Tria vota, si putentur esse Dei cultus, impietas est. 2. Obedire, cui non debetur, quasi ad Dei cultum; est stultum. 3. Castè viuere ad expeditius obeunda munia Euangelii, bonum est: Non tamen possibile, nisi qui scit datum sibi. Idque fit miraculo.

Sic & prisci olim, pluresque hæretici. Vide in mea *Geneal.* p. 2. q. 15.

APOSTOLICI, cum Pelagianis, contra opulentiam tria afferbant. 1. Matth. 19. *Facilius est camelum &c. quàm diuitem &c.* Sed istud est impossibile; ergo & hoc. Ideo docuit Dominus Vendere omnia & dare pauperibus. 2. Luc. 14. *Nisi quis renunciarit omnibus; non potest meus esse Discipulus.* 3. Matth. *Estote perfecti;* dicitur omnibus; at huc opus omnia vendere.

DICO AD I. Augustinus epistola 89 & 94. ait: *Quod impossibile est hominibus possibile est Deo.* Quin & Crates Thebanus, Antisthenes. &c. ethnici philosophi potuerunt abicere bona. Extenuetur camelus, & transibit acum.

AD II. Loquitur de præparatione animi; nam & animam vult renunciari.

AD III. *Matth.* 5. agit de perfectione cunctis necessaria: *Matth.* 19. de vtili solum.

LUTHERO-CALVINI STARVM SVASIONES fuitales. 1. Matth. 17. *Angustaporta est, & arcta via: &c. & pauci intrant. &c.* Ergo plus facere, quàm lex exigit, ne-

Ee mo